

ALTA CONNECTIONS

Tsab Ntawv Xov Xwm Luam Tawm Ib Xyoo Plaub Zaug Coj Los Qhia Cov Neeg Peb Pab, Cov Neeg los sis Chaw Npaj Cov Kev Pab, thiab Cov Neeg Ua Hauj Lwm Rau Alta



Lus qhia ntxiv txog peb tus kws kos duab Morgan Marjerson phab ntawv 10

TUS NEEG SAIB XYUAS KEV KHIIV HAUJ LWM COV LUS TSHAJ XO

Tus Neeg Saib Xyuas Kev Khiav Hauj Lwm Lori Banales

Nyob Zoo Xyoo Tshiab! Kuv cia siab hais tias 2024 yuav nqa kev zoo siab, kev muaj nyiaj muaj txiaj thiab kev noj qab nyob zoo los rau koj. Nyob rau xyoo tag los no, txhua tsab ntawv xov xwm ntawm Alta Connections yeej tau muab cov dej num uas pab plaub Yam Tseem Ceeb Nyob Hauv ACRC Txoj Kev Npaj Los Pab Cov Tib Neeg coj los qhia rau sawv daws. Peb tseem yeej yuav muaj cov dej num ntawd mus ntxiv, thiab tseem yuav pib ib cov dej num tshiab. Txoj kev koom tes nrog lub zej lub zos yeej pab tau peb cov hauj lwm thiab pab tau qhov uas peb yuav ua tau cov dej num ntawd ntau heev. Cov xov xwm nyob hauv tsab xov xwm hauv Lub Ib Hlis yeej qhia ntxiv txog qhov hauj lwm tseem ceeb thiab txoj kev koom tes uas peb muaj nrog peb lub zej lub zos. Peb yeej muaj kev zoo siab rau qhov uas peb tau mus koom tes nrog cov tsev kawm ntawv nyob rau ib ncig ntawm no (University of California, Davis; California State University, Sacramento; Sierra Community College) los mus tshaj tawm txoj kev ua cov hauj lwm mus pab tib neeg thiab cov tib uas pab lawv, ntxiv rau txoj kev muaj kws txhais lus los sis ntau ntawv txhais ua lwm yam lus nyob rau ntawm cov chaws neeg yuav mus siv. ACRC yeej tseem yuav mob siab los mus tawm suab thiab ua kom muaj cib fim los mus khiav tau hauj lwm zoo tshaj ntxiv nrog rau cov neeg ua hauj lwm DSP thiab ua hauj lwm rau lub chaw pab tib neeg nyob rau ntawm tej cheeb tsam. Cov hauj lwm ntawm no yeej tseem yog cov uas muaj ib txoj hauj lwm tseem ceeb nyob rau hauv yam hauj lwm uas peb ua.

MUAJ DAB TSI NYOB HAUV TSAB NTAUV XOV XWM NTAWM NO:

- LUS TSHAJ XO LOS NTAWM TUS NEEG SAIB XYUAS KEV KHIIV HAUJ LWM
- LUS TSHAJ TAWM – COV ROOJ SIB THAM NROG PEJ XEEM
- KEV QHIB TEEB RAU TSOB NTOO NYOB NTAWM LUB TUAM TSEV KHIIV HAUJ LWM RAU LUB XEEV
- MIND INSTITUTE QHOV NYIAJ PAB
- COV TXWJ LAUS PAB TSWV YIM RAU KEV UA LAG LUAM
- QHOV KEV SIB SAU RAU COV LAG LUAM ME
- LUB TSEV KAWM NTAUV SIERRA COLLEGE
- COV KWS KHO MOB PHAB NTAUV
- KEV TU NEEG RAU LUB NEEJ YAV TOM NTEJ - THEARC
- CAC LUB SIJ HAWM SIB NTSIB THIAB SIB QHIA
- SAC STATE QHOV NYIAJ PAB
- SANTA HNUB
- LUS QHIA TXOG TEJ YAM TSHIAB NTAWM COV KEV PAB UAS MUAJ NYOB HAUV LUB ZEJ ZOS
- COV NEEG SO HAUJ LWM
- LUS PIAV QHIA TXOG IB TUS KWS KOS DUAB UAS PEB TAU XAIV COJ LOS QHIA RAU SAWV DAWS

LUB TSHAJ TAWM

ACRC YUAV PIB MUAJ IB COV ROOJ SIB THAM NROG PEJ XEEM TXHUA TXHUA PEB LUB HLIS TWG
COV HNUB UAS MUAJ DEJ NUM LUB OB HLIS, TIM 7; LUB TSIB HLIS, TIM 1;
LUB YIM HLI, TIM 7; LUB KAUM IB HLIS, TIM 6
11AM-12PM

YOG XAV PAUB NTAU TSHAJ QHOV NO, MUS XYUAS NTAWM [HTTPS://WWW.ALTAREGIONAL.ORG/CALENDAR](https://www.altaregional.org/calendar)

TUS NEEG SAIB XYUAS KEV KHIAV HAUJ LWM COV LUS TSHAJ XO - TXUAS NTXIV

Tus Neeg Saib Xyuas Kev Khiav Hauj Lwm - Lori Banales

Thaum Lub Kaum Ob Hlis, Tim 8, ACRC tau caw cov neeg laus thiab hluas uas peb pab tuaj koom hnuv peb muab hu ua Santa Hnuv nyob ntawm peb lub chaw khiav hauj lwm nyob hauv Sacramento. Hnuv no yog ib hnuv uas peb tau muab siv coj los ntuav qhia txog cov hnuv so hauj lwm uas ib txwm muaj thiab tej kab lis kev cai uas muaj nyob thoob plaws hauv lub ntiaj teb. Cov neeg peb pab thiab peb cov neeg ua hauj lwm yeej nyiam qhov kev sib sau ntawm no kawg kiag li. Peb "Cov Txwj Laus Santa" yeej muaj kev yees ib daim duab nrog Yawg thiab Niam Claus, muaj ib qhov khoom ua si thiab ib cov khoom txom ncauj pub rau ntau puas tus neeg uas lawv tau tuaj koom. Peb muaj hnuv no yog vim txoj kev sib zog thiab mob siab ntawm ACRC cov neeg ua hauj lwm uas lawv tau mus nrhiav nyiaj tsis tseg mus tag lub xyoo coj los pab rau tib hnuv ntawm no. Ua koj tsaug rau tag nrho cov neeg uas tau tuaj koom. Hnuv ntawd yog ib hnuv uas sawv daws muaj kev zoo siab heev! Peb twb pib mus npaj rau lub xyoo uas yuav los tom ntej no lawm.

Thaum peb nrhiav kev los mus ua kom muaj kev koom tes nrog lub zej lub zos ntxiv, peb zoo siab los mus tshaj tawm hais tias pib xyoo 2024 mus, ACRC yuav muaj cov Rooj Sib Tham Nrog Pej Xeem txhua txhua peb lub hlis twg. Peb yuav qhib cov rooj sib tham ntawm no rau cov neeg uas peb pab, cov yim neeg, thiab cov neeg nyob hauv lub zej lub zos tuaj mus kawm kom lawv paub txog cov dej num uas peb muaj nyob rau ntawm lub chaw pab tib neeg nyob rau ntawm tej cheeb tsam thiab tej yam uas peb yuav pib ua, nrog kev muaj cib fim rau cov pej xeem los mus tawm suab. Peb cov rooj sib tham txhua txhua peb lub hlis twb yuav pib thaum Lub Ob Hlis nyob hauv Zoom, thaum 11:00 a.m. to 12:00 p.m. Cov hnuv uas tau muaj lub rooj sib tham teem rau yog Lub Ob Hlis, Tim 7; Lub Tsib Hlis, Tim 1; Lub Yim Hli, Tim 7; thiab Lub Kaum Ib Hlis, Tim 6. Peb npaj siab ntsoov hais tias peb yuav pom koj nkag mus koom!

Ntxiv rau cov rooj sib tham nrog pej xeem, ACRC yuav pib muaj ib qhov kev nug txhua xyoo kom neeg mus qhia hais tias saib Peb Pab Tau Lawv Zoo Npaum Li Cas (Annual Satisfaction Survey). Peb yuav muab qhov kev nug rau txhua tus neeg uas pab tom qab lawv lub rooj sib tham IFSP los sis IPP txhua xyoo. Peb yuav muab qhov kev nug txhais ua yam lus uas tus neeg xav kom peb siv xa hauv khoom hluav taws xob los sis xa hauv tsev xa ntawv mus rau tus neeg. Peb yuav muaj neeg pab lawv teb qhov kev nug yog thaum twg lawv thov. Thov nco ntsoov teb qhov kev nug yog thaum twg koj txais tau lawm. Qhov kev qhia rau peb yeej tseem ceeb thiab yuav pab kho peb txoj kev pab tib neeg nyob ntawm peb lub chaw pab tib neeg nyob rau tej cheeb tsam.

ACRC TAU MUS KOOM QHOV KEV QHIB TEEB ZAUM 92 RAU TSO NTOO NYOB NTAWM LUB TUAM TSEV KHIAV HAUJ LWM RAU LUB XEEV

ACRC tau raug caw thawj zaug mus dai khoom zoo nkauj rau ib tso ntoo ua peb tug nyob hauv Lub Tuam Tsev Khiav Hauj Lwm Rau Lub Xeev rau qhov kev qhib teeb ntawm no. Bradley Margetts tau pab mus muab tsob ntoo yim kom zoo nkauj thiab tau muaj cib fim mus ntsib Tswv Xeev Newsom. Thov ua tsaug rau peb cov neeg ua hauj lwm thiab cov lag luam uas lawv tau pab npaj cov khoom uas peb tau muab coj mus dai rau ntawm tsob ntoo.



MIND INSTITUTE DDS QHOV NYIAJ PAB RAU KEV NRHIAV HAUJ LWM UA COJ LOS SIM SIV TUS QAUV RAU TXOJ KEV MUAB IB TUS NEEG TSO MUS UA IB TXOJ HAUJ LWM THIAB TXOJ KEV PAB TUS NEEG NTAWD NYOB HAUV ALTA CALIFORNIA LUB CHAW PAB TIB NEEG NYOG RAU TEJ CHEEB TSAM



DR. MARJORIE SOLOMON



Lub hom phiaj loj ntawm peb qhov hauj lwm uas peb yuav siv qhov nyiaj DDS Employment Grant coj los khiav yog los mus pab tsim ib cov kev khia hauj lwm raws li txoj kev muaj pov thawj rau txoj kev pab nrhiav hauj lwm rau cov tib neeg xiam oob qhab rau ntawm txoj kev txawj nte thiab txoj kev loj hlob (IDD) thiab rau cov tib neeg uas lawv muaj kab mob autism los ntawm txoj kev siv tus qauv Individualized Placement and Support (IPS) (Txoj Kev Pab Muab Ib Tus Neeg Mus Ua Ib Txoj Hauj Lwm thiab Txoj Kev Pab Tus Neeg Ntawd). IPS yog ib tus qauv rau txoj kev pab nrhiav hauj lwm rau neeg ua uas muaj pov thawj ntau tshaj nyob thoob plaws lub ntiav teb hais tias pab tau zoo. Nws yog ib tus qauv uas tau muab siv coj los pab cov tib neeg uas muaj teeb meem rau ntawm txoj kev xav, uas yeej pom hais tias pab tau lawv ntau heev, thiab tam sim no, nws yeej yog ob peb qhov kev tshawb fawb uas tau muab tus qauv IPS siv coj los pab cov tib neeg uas lawv muaj IDD thiab muaj autism lawm. IPS yog ib tus qauv uas yeej pab tau cov tib neeg ntawm no zoo heev li thiab. Nyob hauv peb qhov hauj lwm, peb yuav muab tus qauv IPS kho kom muab siv tau coj los rau cov tib neeg uas peb pab nyob hauv California, thiab coj los qhia hais tias tus qauv no yeej yog ib tus uas yuav muab siv tau coj los pab cov chaw nrhiav hauj lwm rau neeg ua uas Alta siv.

IPS yeej tsis yog ib tus qauv txawv qhov uas cov chaw muaj kev pab zoo rau txoj kev nrhiav hauj lwm rau cov neeg xiam oob qhab mus ua nrog cov neeg tsis xiam oob qhab. Tiam sis, tus qauv ntawm no muaj ib qhov lwm tus qauv tsis muaj uas yeej pab tau cov tib neeg zoo heev. Qhov ib, nyob hauv tus qauv IPS, cov kws nrhiav hauj lwm yeej ua tus neeg nrhiav hauj lwm thiab tus neeg qhia lawv cov neeg nrhiav hauj lwm rau kom lawv mus tuav tau txoj hauj lwm. Qhov no yog ib qhov uas yuav ua tau kom tsis txhob muaj kev tu ncuu nyob ntawm cov neeg nrhiav hauj lwm ua thiab cov kws nrhiav hauj lwm rau neeg ua uas lawv los kuj tseem tsim tau kev sib raug zoo nrog lub chaw uas ntiav neeg ua hauj lwm. Qhov ob, cov kws nrhiav hauj lwm rau neeg ua tsuas nrhiav cov hauj lwm rau phab uas cov neeg lawv pab yuav nyiam ua xwb. Qhov peb, IPS yog ib tus qauv uas “muab tso mus ua hauj lwm thiab qhia” uas nws yog txawv tus qauv hais tias “qhia thiab muab tso mus ua hauj lwm”, uas yog txhais hais tias lub hom phiaj yog los mus ua kom cov neeg lawv pab tau hauj lwm ua tam sim es tsis txhob cia lawv mus kawm ib yam hauj lwm ntev ntev uas lawv tsis tau hauj lwm ua li. Qhov kawg, cov chaw tuav hauj lwm uas siv tus qauv IPS yuav tsum tau muaj kev txheeb xyuas tsis tseg coj los xyuas kom mee hais tias lawv yeej muab tus qauv coj los siv tau yog.

Thaum Lub Ob Hlis hauv xyoo tag los no, peb twb pib muab tus qauv IPS coj los qhia rau cov chaw tuav dej num uas yuav siv tus qauv ntawm no lawm. Muaj plaub lub chaw tuav dej num rau kev nrhiav hauj lwm ua uas Alta siv twb tau los nrog peb koom tes lawm. Cov chaw tuav dej num ntawm no yog InAlliance, On My Own Community Services, PRIDE Industry, thiab tkMomentum. Peb cov chaw tuav dej num ntawm no yeej muaj kev sib tham txhua lim piam uas peb tham txog tus qauv IPS thiab saib peb yuav ua li cas es peb thiaj li siv tau tus qauv yog; tej cov teeb meem uas nyuaj; cov tswv yim los sis kev pab uas peb yuav sib pab tau; thiab cov teeb meem cuam tshuam rau kev nrhiav nyiaj txiag coj los siv tus qauv thiab coj los ua kom siv tau tus qauv mus ntxiv. Cov neeg muaj feem ntawm cov neeg laus muaj autistic, cov neeg nyob hauv tsev neeg, cov kws tsim lus tswj hwm, cov kws qhia ntav, thiab cov chaw ntiav neeg ua hauj lwm los yeej tuaj sab laj nrog peb hais txog cov teeb meem ntawm no txhua txhua peb lub hlis twg. Txij li thaum pib los txog rau tam sim no, peb tau muab 16 tus neeg tso mus siv tus qauv ntawm no lawm. Los txog tam sim no, ib nrab ntawm cov tib neeg ntawm no yeej tau ib txoj hauj lwm ua uas yog ib txoj hauj lwm nyob rau yam hauj lwm lawv nyiam ua. Peb nyuam qhuav pib thawj qhov kev txheeb xyuas hauv 6 lub hlis saib puas siv tau tus qauv yog thiab peb yeej khiav tau cov kev txheeb xyuas tsis muaj teeb meem dab tsi li. Peb cov kev sib tham txhua lim piam yeej muaj cov kev sib tham uas muaj lus tseem ceeb thiab muaj lus qhia txog cov teeb meem uas yuav los mus nrhiav tau cov hauj lwm ua nrog cov neeg tsis xiam oob qhab coj los rau cov tib neeg uas peb pab los mus ua. Peb yeej cia siab hais tias peb qhov kev txheeb xyuas yuav qhia hais tias IPS yeej pab tau cov tib neeg zoo tshaj li cov kev pab uas peb ib txwm siv thiab yeej cia siab hais tias peb yuav nrhiav tau kev coj los muab cov nyiaj uas peb muaj siv tau coj los khiav tus qauv ntawm no yog hais tias nws yeej pab tau cov tib neeg. Peb yeej muaj lus ua tsaug ntau heev rau qhov nyiaj DDS uas yeej tau pab peb khiav qhov hauj lwm ntawm no.

Yog muaj lus nug, thov sau ntawv mus nug
Jo Ann Yon Hernandez ntawm tus email
jyonh@ucdavis.edu



MUS NTSIB COV TXWJ LAUS PAB TSWV YIM RAU KEV UA LAG LUAM NYOB RAU QAUM TEB CALIFORNIA STEVE RUDER



Cov Txwj Laus Pab Tswv Yim Rau Kev Ua Lag Luam Nyob Rau Qaum Teb California (BAC) yog cov koom tes nrog cov lag luam los mus tshaj tawm cov cib fim uas muaj koj los pab cov tib neeg xiam oob qhab rau ntawm txoj kev loj hlob kom lawv ua tau ib cov tib neeg uas tseem ceeb nyob hauv txoj kev ua hauj lwm. Cov txwj laus BAC yog ib cov neeg uas ua hauj lwm rau cov chaw tuav dej num uas pab lub chaw pab tib neeg nyob hauv tej cheeb tsam, lub chaw Department of Rehabilitation thiab lub chaw American Job Centers, uas tag nrho yeej yog cov chaw pab cov tib neeg xiam oob qhab nrhiav hauj lwm ua. Thaum ib tus txwj laus BAC mus khiav hauj lwm nrog ib lub lag luam uas tsim cov cib fim zoo thiab pab cov tib neeg xiam oob qhab, BAC caw cov lag luam ntawd mus pab qhia lwm cov lag luam hais tias saib lawv yuav ua li cas es lawv thiab li yuav ua raws li lawv cov kev khiav hauj lwm. Thaum cov lag luam paub siv cov kev pab los ntawm BAC cov chaw tuav dej num lawm, lawv muaj lus zoo siab heev hais tias lawv yuav mus ntiav tau ib cov neeg uas yeej xav ua hauj lwm thiab yeej paub ua yam hauj lwm thiab ntau zaus yeej yog cov neeg uas yuav ua hauj lwm ntev ntev mus. Yog hais tias koj yog ib tus neeg uas tuav txoj hauj lwm ntiav neeg ua hauj lwm los sis xav kom ib tus neeg saib xyuas hauj lwm mus nrog BAC tham, thov sau email mus rau peb ntawm tus email hs-bac@ucdavis.edu los sis mus sau ntawv rau peb hauv peb phab linkedIn nyob ntawm <https://www.linkedin.com/company/ncalbac>

LUB KAUM OB HLIS, TIM 5 - QHOV KEV SIB SAU RAU COV LAG LUAM ME NYOB NTAWM LUB CHAW KHIAV HAUV LWM NYOB HAUV SACRAMENTO

ACRC yeej muaj lus zoo siab heev los mus teem muaj Cov Kev Sib Sau Rau Cov Lag Luam Me uas yuav muaj cib fim rau cov neeg uas peb pab los mus muag lawv cov duab thiab khoom. Yog xav paub txog cov kev sib sau yav tom ntej, thov mus xyuas ntawm <https://www.altaregional.org/calendar>.



SIERRA COLLEGE QHOV KEV SIB SAU RAU KEV NRHIAV HAUI LWM

Thaum Lub Kaum Ib Hlis, Tim 7, 2023, Sierra College tau muaj ib qhov kev sib sau hu ua DSPCollaborative.org Disability Industry Career Expo nyob ntawm lawv lub chaw kawm ntawv Rocklin rau cov neeg uas khiav hauj lwm rau lub chaw pab tib neeg nyob rau hauv tej cheeb tsam. ACRC yeej muaj lus ua tsaug rau qhov uas lawv tau muaj ib qhov kev sib sau rau kev nrhiav hauj lwm ua uas yeej ua rau neeg paub txog cov hauj lwm nyob rau phab hauj lwm pab cov neeg xiab oob qhab rau ntawm txoj kev loj hlob.



LUS QHIA NTXIV TXOG QHOV KEV PAB CUAM TSHIAB NYOB NTAWM SIERRA COLLEGE

Sierra College Learning Independence for Future Employment (LIFE) Program (Sierra College Qhov Kev Kawm Raws Li Qhov Tus Kheej Kawm Tau Rau Txoj Kev Ua Hauj Lwm Yav Tom Ntej) yuav pib thaum Lub Caij Nplooj Ntoos Hlav 2024 - Angel Garcia, MSW – Tus Saib Xyuas Qhov Kev Kawm

Sierra College yuav pib qhia Qhov Kev Kawm Raws Li Qhov Tus Kheej Kawm Tau (LIFE) coj los pab cov neeg siv lub chaw Alta California Regional Center uas muaj hnuv nyooq 18 mus rau 26 xyoo nyob hauv ib lub chaw uas yog tsev kev kawm ntawv qib siab. Hauv xyoo 2024-2025, Sierra College yuav txais 12 tus neeg mus pib qhov kev kawm nyob hauv lub chaw kawm ntawv uas yuav kawm nrog cov neeg tsis xiam oob qhab, yuav ua cov dej num uas yeej muaj tiag thiab muaj nyob hauv lub zej lub zos. Cov neeg mus kawm yuav mus siv cov kev kawm uas lawv kawm lawv tus kheej rau kev ua ib txoj hauj lwm/ib yam haum lwm, kev tuav nyiaj/nyiaj txiag, kev nyob tau tus kheej thiab kev nyob nrog lwm cov neeg, kev khiav kev mus los, kev noj qab nyob zoo & kev noj cov khoom zoo rau lub cev, kev nyab xeeb, kab li kev cai & kev paub hais tias tus kheej yog leej twg, kev tsim phooj ywg & kev paub hais tias phooj ywg yog dab tsi, kev paub muab txhua yam tso kom raws seem thiab kev txuas lus, thiab ntau ntau yam ntxiv. Thiab nrog rau qhov ntawd, peb yuav muaj kev rau lawv mus pab hauj lwm kom lawv paub ua hauj lwm, uas yog npaj coj los ua kom lawv mus ua tau hauj lwm nrog cov neeg tsis xiam oob qhab thaum lawv kawm tag qhov kev kawm uas yog plaub semesters. Ntxiv rau qhov ntawd, cov neeg yuav tau mus ua ntau cov dej num nrog cov neeg tsis xiam oob qhab nyob hauv tsev kawm ntawv thiab sab nraum uas muaj kev cuam tshuam rau kev tawm suab pab tus kheej, kev nyab xeeb, lub zej zos, kev ua neej nyob, kev khiav kev mus los, nyiaj txiag, thiab ntau ntau yam ntxiv. Peb los kuj yuav hais kom cov neeg mus kawm cov kev kawm uas tsis tau qhab nia (noncredit), tau qhab nia (credit) thiab cov kev kawm txog lub zej zos uas muaj nyob ntawm Sierra College. Yog xav paub ntau tshaj qhov no, thov mus xyuas hauv LIFE lub vas sab nyob ntawm (<https://www.sierracollege.edu/academics/life-program/>)

Yog koj pau bib tus neeg uas ntxim yuav xav mus kawm los sis yog koj xav mus kawm, thov siv tus email nyob saum no los mus muab koj tus email rau peb sub peb thiaj li yuav qhia tau rau koj paub thaum peb qhib txais ntawv thov mus kawm lawm.



COV KWS KHO MOB PHAB NTAWV SHANNON MCCONNELL, RDH, BSDH TUS NEEG SAIB XYUAS KEV KHO HNIAV



Thaum kuv muab kuv txoj hauj lwm uas kuv tau los ua ACRC Tus Neeg Saib Xyuas Kev Kho Hniav thawj xyoo coj los xav, kuv pom hais tias nws yog ib lub meej mom zoo heev uas kuv tau los mus nrog ib cov neeg zoo heev ua hauj lwm ua ke thiab los mus pab cov tib neeg thiab ib cov yim neeg uas zoo heev li. Txawm hais tias kuv tsis paub dab tsi txog lub chaw Regional Center thaum kuv los ua hauj lwm rau ACRC los, kuv txoj hauj lwm ua ib tus kws tu kaus hniav yav tag los nrog qhov uas kuv paub txoj kev xa nqi mus rau kev faj seeb them yeej muab kuv ua ib tus neeg uas ua yuav los pab ua kom cov neeg uas pab mus siv tau cov kev kho kaus hniav uas lawv yuav tsum tau siv. Qhov kuv pab cov tib neeg uas pab yeej yog ib yam uas ua rau kuv zoo siab tshaj nyob hauv kuv lub neej.

Ib lub hom phiaj ntawm cov hom phiaj tseem ceeb nyob rau hauv lub xyoo tag los no yog los mus muab cov kev khiav hauj lwm kho kom pab cov neeg saib xyuas hauj lwm thiaj li yuav pab tau cov tib neeg mus siv tau cov kev khov hniav sai. Kuv los kuj tau mus koom tes nrog cov kws kho hniav nyob rau ib ncig ntawm no thiab cov kev faj seeb rau kev kho hniav los mus pab kom cov tib neeg mus ntsib tau kws kho hniav rau cov kev kho uas yuav tau kho ntau yam, los mus nrhiav cov kws kho hniav uas yog cov kho zoo, thiab los mus ua kom tau txais lus pom zoo rau cov kev kho uas cov neeg yuav tsum tau siv.

Cov hauj lwm tseem ceeb uas kuv tau ua nyob hauv lub xyoo tag los no yog cov cib fim mus qhia kom neeg paub txog pab, zoo li thaum kuv muaj qhov kev mus qhia txog kev tu kaus hniav rau Visions in Motion, uas yog ib qhov kev qhia thaum nruab hnub rau cov neeg laus. Thiab kuv los kuj mus pab ob pab tus neeg uas yog cov nrog kuv ua hauj lwm nyob ntawm qhov kev sib tw hu ua Special Olympics Fall Games (Kev Sib Tw Ua Cov Kis Las Thaum Caij Nplooj Ntoos Zeeg Rau Cov Neeg Xiam Oob Qhab). Thiab nyuam qhuav tau los tsis ntev no, ib tus neeg ntawm pab cov Neeg Uas Tawm Suab Pab Lwm Cov Neeg, Jacob Miller, thiab kuv tau raug caw mus hais lus rau ib cov neeg kawm kho hniav xyoo ob nyob ntawm lub tsev qhia kws kho hniav nyob rau ib cheeb tsam ntawm no, California Northstate University, hais txog cov teeb meem uas ib cov neeg pab tau ntsib thaum lawv yuav mus kho hniav.

KEV TU NEEG YAV TOM NTEJ - THE ARC OF CALIFORNIA COV KEV QHIA SAUM HUAB CUA THIAB KEV KAWM HAIS TXOG KEV NPAJ RAU LUB NEEJ TOM NTEJ UAS MUAB HAIS UA OB YAM LUS

Caring Futures
A community of sharing & strength

Futuros y Esperanza
Una comunidad de intercambio y fortaleza

ACRC xa kom cov niam txiv thiab cov neeg tu mus kawm cov kev kawm hais txog kev npaj rau lub neej tom ntej thiab cov kev qhia nyob saum huab cua uas muaj qhia dawb hais ua lus As Kiv thiab lus Mev nyob ntawm The ARC of California. <https://www.caringfutures.org/> los sis <https://www.futurosyesperanza.org/>. Qhov hauj lwm uas tau nyiaj pab ntawm no yeej yog ib qhov muaj zoo li ACRC Qhov Npaj Kom Muaj Kev Pab Rau Lub Neej Tom Ntej <https://www.altaregional.org/coordinated-future-planning>

ACRC COV TXWJ LAUS PAB TSWV YIM RAU COV NEEG PEB PAB LUB SIJ HAWM SIB NTSIB THIAB SIB QHIA

ACRC cov txwj laus CAC tau muaj ib lub sij hawm sib ntsib thiab sib qhia ua ntej thaum lawv muaj lawv lub rooj sib tham hauv Lub Kaum Ib Hlis. CAC cov tswv cuab yeej tau qhia lub hom phiaj dav dav ntawm cov txwj laus txoj hauj lwm thiab yeej tau caw neeg tuaj koom. Yog koj xav paub ntau tshaj qhov no, thov mus xyuas ntawm <https://www.altaregional.org/client-advisory-committee-cac>



QHOV NYIAJ MUAB RAU SACRAMENTO STATE RAU KEV MUAJ KEV TXHAIS LUS THIAB KEV KAWM TXOG KAB LIS KEV CAI



ACRC tau muab ib qhov nyiaj rau Sacramento State koj mus siv rau ib qhov hauj lwm los mus tshem cov teeb meem ntawm Community Integrated Employment (CIE) rau cov neeg Latinx nyob hauv cov thaj chaw peb khiav hauj lwm hauv 10 lub nroog. Nrog lub hom phiaj uas yuav kom muaj 540 tus neeg laus, qhov hauj lwm, uas yog Communications Sciences & Disorders Department yog tus khiav, yog tshawb fawb txoj cov teeb meem ntawm kev txuas lus thiab kab li kev cai/nyiaj txiag ntawm 50 tus neeg, koj los kawm thiab daws tej yam uas txawv nyob hauv CIE. Qhov hauj lwm ntawm no, zoo ib yam li ACRC Qhov Kev Npaj thiab yeej muab siv tau nyob rau lwm cov chaw pab tib neeg nyob hauv tej cheeb tsam, yeej ntxim yuav ua tau kom muaj neeg coob mus siv qhov kev pab cuam CIE, yuav muaj txiaj ntsim rau cov haiv neeg tsawg uas tsis muaj kev pab txaus thiab yuav pab txhua yam tseem ceeb nyob hauv lub xeev txoj kev ua hauj lwm.

Koom tes nrog ACRC, Dr. Heather Thompson, ib tus neeg xav kom muaj kev pab sib npaug zos rau txhua pab pawg neeg thiab xav kom muaj kev koom tes los ntawm lub zej zos, thiab Dr. Louis Vismara, ib tus neeg paub zoo txog ASD thiab lus tswj hwm, yuav yog ob tus neeg los tswj qhov hauj lwm. Qhov kev koom tes yog muaj kev cuam tshuam rau ACRC hauv kev nrhiav neeg mus koom, kev mus tshaj tawm kom zej zos paub, thiab kev txheeb xyuas txhua hais txog qhov tau tshawb fawb pom thiab cov lus pom zoo kom ua. Qhov ntawm no yeej tsis yog ib qhov uas tsuas daws qhov teeb meem uas tsis ncaj ncees hauv kev muaj cib fim ua hauj lwm xwb, tiam sis yeej tseem pab cov hom phiaj loj hauv kev tsis muaj kev ncaj ncees, uas yuav ua tau kom muaj chaw rau txhua tus neeg thiab muaj kev nkag siab txog kab li kev cai.



SANTA HNUB HAUV XYOO 2023

Santa Hnub yog ib qhov uas peb twb pib tau kaum tawm xyoo los lawm coj los ua ib hnub tshwj xeeb rau cov tib neeg uas peb pab kom lawv tuaj koom ib qhov kev lom zem thiab muaj sij hawm mus yees duab nrog Santa Claus. Lub ntsiab lus ceeb ntawm xyoo no yog **Hnub Ua Kev Zoo Siab Rau Cov Hnub So Hauj Lwm Uas Muaj Nyob Thoob Plaws Hauv Lub Ntiaj Teb**. Cov tib neeg uas peb pab yeej muaj cib fim mus kawm txog lwm cov hnub so hauj lwm, mus koom cov dej num nyob rau ntawm txhua lub rooj thiab tseem tau ib qhov khoom me me nqa mus tsev hais txhua yam kab lis kev cai/cov hnub so hauj lwm. Ntau puas tus neeg uas peb pab thiab cov yim neeg yeej tau tuaj rau ntawm ACRC Sacramento lub chaw khiav hauj lwm mus tag hnub li. Coob tus neeg uas tau tuaj koom yeej nyiam chav tsev tshiab rau txoj kev hnob suab los sis pom kev. Thov ua tsaug tshwj xeeb rau peb cov Santa Committee rau qhov uas lawv tau sib zog khiav hauj lwm thiab nrhiv nyiaj coj los npaj qhov kev sib sau ntawm no thiab ua tsaug rau cov neeg ua hauj lwm uas tau tuaj pab hauj lwm dawb.




LUS QHIA NTXIV TXOG KEV TSIM COV KEV PAB HAUV LUB XYOO

Thaum peb lub chaw tuav dej num loj tuaj, cov tib neeg uas peb pab thiab lawv tsev neeg los yeej xav kom muaj kev pab ntau ntxiv ib yam nkaus. Txawm hais tias kev tsim cov kev pab tshiab yeej tsis muaj ntau nyob rau tej cov kev pab uas muaj rau cov neeg xiam oob qhab siv vim kab mob COVID-19 los, peb yeej pib pom muaj coob tus neeg los sis lag luam uas twb muab tsab ntawv thov ua ib tus neeg pab cov tib neeg ua tiav tag lawm. Peb yeej tseem pom muaj cov tsev pab tib neeg (21) ntau zuj zus ntxiv; peb twb nrhiav tau ntau lub tuam txhab thauj neeg mus los (15) coj los pab peb thauj neeg ntxiv hauv xyoo no lawm.

Cov Codes Ntawm Cov Kev Pab uas muaj ntau tshaj nyob hauv 2023

- 915 - Cov Tsev Rau Neeg Laus Nyob (Adult Residential Facility)
- 875 - Cov Tuam Txhab Thauj Neeg Mus Los
- 707 - Kev Pab Rau Txoj Kev Hais Lus (Speech Pathology)
- 520 - Kev Pab Cuam Rau Kev Mus Nyob Tau Tsis Tag Muaj Neeg Pab (Independent Living Program)
- 896 - Kev Pab Kom Neeg Nyob Tau (Supported Living Services)
- 055 - Cov Kev Pab Nyob Hauv Lub Zej Zos Thaum Nruab Hnub (Community-Based Day Serv.)
- 099 - Cov Kev Pab Uas Tus Neeg Ua Rau Tus Kheej
- 785 - Kws Kho Neeg Txoj Kev Xav (Clinical Psychologist)
- 096 - Cov Tsev Tu Neeg Laus (Geriatric Facility)
- 102 - Kev Qhia Rau Niam Ntxiv thiab Tus Neeg
- 113 - Tsev Rau Cov Neeg Xiam Oob Qhab Nyob
- 773 - Kev Pab Kom Tes Taw Muaj Zog
- 455 - Kev Zov Ib Tus Neeg Hauv Tsev Neeg Thaum Nruab Hnub
- 008 - Koom Haum Ua Kis Las
- 048 - Kev Kho Autism Thaum Tseem Ntxov
- 062 - Kev Pab Ib Tus Neeg
- 076 - Kev Pab Los Ntawm Tsev Neeg
- 772 - Kev Pab Kom Lub Cev Muaj Zog
- 902 - Tsev Nyob Hauv Lub Zej Zos Rau Thaum Muaj Teb Meem Loj

- 034 - Kev Tuav Nyiaj Txiag
- 115 - Kev Kho Tshwj Xeeb Rau Cov Neeg Hnub Nyooog 3 - 20 Xyoo
- 117 - Kev Kho Tshwj Xeeb Rau Cov Neeg Hnub Nyooog 21+
- 505 - Lub Chaw Rau Neeg Mus Ua Cov Dej Num Ua Si
- 510 - Lub Chaw Pab Cov Neeg Laus



Cov Chaw los sis Neeg Tshiab Uas Yuav Los Npaj Kev Pab Raws Xyoo

- 2017 - 190
- 2018 - 185
- 2019 - 184
- 2020 - 165
- 2021 - 149
- 2022 - 188
- 2023 - 252

COV NEEG UA HAUJ LWM UAS LAWV MUS SO HAUJ LWM LAWV

ACRC yuav pib muab lus qhuas rau cov tib neeg ua hauj lwm rau peb lub chaw tuav dej num uas lawv tau mus so hauj lwm lawm. Peb thov ua cov neeg ua hauj lwm ntawm no tsaug rau cov xyoo uas lawv tau sib zog khiav hauj lwm rau peb lub hom phiaj thiab peb lub zeem muag.

Lisa Wright - Tus Neeg Txais Cov Neeg Tuaj Tshiab - Sacramento 10/6/23;

Denise Ingalls-Knott - Children's Unit (Ua Hauj Lwm Ntawm Lub Chaw Pab Me Nyuam Yaus) - Sacramento 11/3/23;

Karen Partch - Grass Valley Office - 12/7/23;

Cid Van Koersel - Training Unit (Ua Hauj Lwm Ntawm Lub Chaw Qhia) - 12/28/23;



ACRC YUAV PIB HCBS COV KEV TXHEEB XYUAS RAU ZAUM NTXIV TOM NTEJ



HCBS Specialists Aliesia Gautschi, Marti Eason, thiab Kylee Draper

Home and Community-Based Services (HCBS) waiver yog ib Medicaid ib qhov kev pab cuam uas pub cov xeev los mus npaj cov kev tu tib neeg ntev ntev mus nyob hauv lawv lub tsev los sis cov tsev muaj neeg coob nyob ua ke es tsis txhob cia nyob hauv cov tsev tu neeg. Qhov kev pab cuam ntawm no yog ib qhov uas npaj coj los pab cov tib neeg xiam oob qhab thiab cov tib neeg uas muaj hnuv nyoog siab lawm, coj los ua kom lawv nyob tau lawv tus kheej thiab kom nyob tau tsis muaj teeb meem uas tsis yog nyob hauv cov tsev tu neeg uas ib txwm muaj. Cov lus tswj hwm cov kev pab ntawm uas ACRC cov neeg npaj kev pab yuav muaj txhua yam zoo li qhov uas tsoom fwv yuav tsum kom muaj.

Lub Chaw Department of Developmental Services yuav tsum kom cov chaw Regional Centers los mus txheeb xyuas txhua lub chaw HCBS coj los qhia hais tias cov chaw no yeej ua tau txhua yam raws nraim li qhov yuav tsum kom cov chaw HCBS ua thiab siv tsis txhob pub dhau Lub Yim Hli, Tim 31, 2024. Thaum mus txheeb xyuas nyob ntawm lub chaw, cov chaw pab tib neeg nyob hauv tej cheeb tsam yuav xyuas kom mee hais tias lub chaw ntawd yeej ua raws nraim li txhua yam uas tsoom fwv yuav kom ua.


ACRC cov neeg ua hauj lwm yeej tab tom koom tes nrog cov neeg mus pab tib neeg los mus kho cov teeb meem uas tshawb fawb pom thaum muaj ib qhov kev mus pab tib neeg uas muaj kev soj ntsuam zoo li kev nug tus neeg uas lawv mus pab hais txog qhov hais tias saib yuav ua li cas es thiaj li yuav kho tau tej yam uas ua tsis tau raws li qhov yuav kom ua, kev mus kawm kom tag ib qhov kev qhia thiab/los sis kev qhia rau cov neeg ua hauj lwm hais txog txhua yam uas tsoom fwv yuav tsum kom ua thiab kev npaj cov kev pab uas muab tus neeg coj los ua qhov tseem ceeb, los sis kev muab cov ntaub ntawv kho kom ua tau raws nraim li txhua yam uas tsoom fwv yuav tsum kom ua.

ACRC mus kwv yees li ntawm 500 pab tib neeg uas peb yuav tsum tau muab coj los txheeb xyuas tsis pub dhau Lub Yim Hli, Tim 31, 2024. Yog xav paub ntau tshaj qhov no, mus xyuas ntawm <https://www.dds.ca.gov/initiatives/cms-hcbs-regulations/>

LUS PIAV QHIA TXOG IB TUS KWS KOS DUAB UAS PEB TAU XAIV COJ LOS QHIA RAU SAWV DAWS - MORGAN MARJERSON

Morgan Marjerson tau mus kawm kos duab nyob ntawm Placer ARC Studio 700 rau ntev tshaj li 6 xyoo lawm. Morgan nyiaj ntau yam duab, suav nrog rau cov khoom siv av puab, cov khoom coj kom zoo nkauj zoo nraug, xaws khaub ncaws, duab, thiab cov duab uas pom peb seem tuaj. Morgan yog ib tus neeg uas muaj ib tus yam ntxwv zoo hais txog nws cov duab. Nws txoj kev xav rau qhov zoo xwb yog ib qhov uas nws tau los ntawm ntau yam suav nrog rau nws tsev neeg, Walt Disney (yeeb yaj kiab, duab mus kev, thiab cov neeg nyob hauv cov dab neeg), Nature (Tej Khoom Uas Ib Txwm Txawm Muaj), thiab lwm cov kws kos duab.

Yog koj xav yuav Morgan cov duab, thov nug mus rau Studio 700 Tus Neeg Pab Tus Coj Sheldon Schear ntawm sheldons@placerarc.org.



**Yolo County Commission on Aging & Adult Services
(Nroog Yolo Cov Txwj Laus Saib Xyuas Kev Pab Rau Cov
Neeg Muaj Hnub Nyoog Siab & Cov Neeg Laus)**



**DD/ID Cov Txwj Laus Rau Cov Neeg Tus Cov
Neeg Uas Muaj Hnub Nyoog Siab Lawm**

Tsis Txhob Npaj Dab Tsi Rau Hnub No - Cov Rooj Sib Tham Town Hall Meetings Hauv Xyoo 2024

**Thov mus koom Supervisor Jim Provenza, Alta California Regional Center thiab
Nroog Yolo cov neeg ua hauj lwm mus sib tham txog cov kev pab lawv xav kom
muaj rau cov neeg tu cov neeg muaj hnub nyoog siab lawm thiab cov neeg
laus muaj teeb meem rau txoj kev loj hlob nyob hauv Nroog Yolo**

Tag nrho cov rooj sib tham 5:30pm - 7:00pm

3 lub rooj sib tham tim ntsej tim muag - 1 lub rooj sib tham nyob saum huab cua

*Tsis muaj cov rooj sib tham uas neeg yuav mus koom tau tim ntsej tim muag thiab
koom tau saum huab cua ua ke nyob rau cov rooj sib tham uas yuav muaj tom ntej.*

*Cov rooj sib tham tim ntsej tim muag thiab cov rooj sib tham saum huab cua Zoom Town Hall
yuav neeg txhais lus ua Lus Piav Tes Meskas thiab Lus Mev.*

Lub Ob Hlis, Tim 22, 2024 - West Sacramento Community Center

1075 W Capitol Ave, West Sacramento, CA 95691

Lub Peb Hlis, Tim 14, 2024 - Winters Community Center

201 Railroad Ave, Winters, CA 95694

Lub Plaub Hlis, Tim 3, 2024 - Esparto-Capay Valley Health and Community Center

17340 Yolo Ave, Esparto, CA 95627

**Lub Plaub Hlis, Tim 25, 2024 - Rooj Sib Tham Saum Huab Cua coj los qhia tej yam uas tshawb fawb
pom thiab cov tswv yim (mam li qhia link)**

Yog xav paub ntau tshaj qhov no, thov nug mus rau Sheila Allen ntawm 530 666-5583
sheila.allen@yolocounty.org

Cov uas yees ntawm cov rooj sib tham Town Hall hauv xyoo 2023 nyob hauv Davis thiab Woodland





ARPA PART C INITIATIV YOG QHOV MUAJ NYIAJ PAB

Alta California

Regional Center

Peb lub hom phiaj yog los mus ua kom cov chaw ntiav neeg hauj lwm thiab cov neeg nrhiav neeg hauj lwm nyob rau txhua theem tuaj sib ntsib. Yog koj xav ua ib txoj hauj lwm uas koj yuav tau pab cov me nyuam mos ab thiab me nyuam uas pib mus taus kev nyob rau hauv Early Start, thov mus koom peb!

Cov neeg los sis cov chaw npaj kev pab yeej muaj ntau ntau txoj hauj lwm mus pab cov yim neeg thiab cov me nyuam uas nyuam qhuav yug los mus txog 3 xyoo uas lawv yeej muaj teeb meem rau txoj kev loj hlob.



**Lub Ob Hlis,
Tim 23, 2024
10am – 2pm**



**2241 Havard St #100
Sacramento
The Brenda Smith Room**